

祈請所求願本尊哀愍垂加護。悉地現前令滿足。若有來求無厭心。隨力所堪而施與。於傳受阿闍梨耶。奉獻珍寶不惜身命。若有怪不行。從此法悉地不圓。滿忽忌宣傳於世間。毀謗罪故墮惡趣。由此印契祕密。故六根罪障悉清淨。福智圓滿具大行。必證無上大菩提。

牛玉兩寶陀羅尼儀軌

慈智上人黑谷示之。此法極密。故絕不流行。而慈覺大師在唐時。為令此法令斷絕。雖傳受之。深隱心腑。不敢披露。俱能知彼器可傳受之云云。出自如意輪法中。

文保三年正月三日。以不退寺入眞房本於東南院院主坊書寫之。了真出竹木目底。

金剛寶續心三十二

王集作玉已下學之

佛說大如意寶珠輪牛王守護神呪經

阿謨伽三藏奉詔譯

如是我聞。一時佛在波羅捺鹿野園中。為阿若拘隣等五人轉四諦法輪。時會中有一天子。名曰牛王。神即從座起。曲躬合掌。頂禮雙足。而白佛言。世尊。我有隨心自在。萬事滿足。神呪及利益諸有情。故唯願世尊哀愍聽許。我今欲說大神呪。爾時佛讚言。善哉。速可演說。我欲聞。是時天子即說呪曰。

唵悉底嚕悉底嚕。利伴惹伴惹。讓讓履底伽。補瑟底伽。阿毗遮阿毗遮。眞多摩尼莎賀。

時薄伽梵聞說神呪。普觀一切。為諸有情利益安樂。故而說偈言。

世間諸衆生	遍切諸貧苦	雖求資有福
施與諸衆生	令得無憂惱	術力勝諸獸
哀愍諸衆生	施與諸珍寶	滿足諸希求
齊等諸天衆	福力無等限	

時薄伽仙毗吉那仙。以歡喜信樂心。奉獻種種香華。燈明四事供養等。敬禮牛王神珠天。而說偈言。

塗香華鬘及燒香

燈明飲食與錢帛

奉獻牛王神獸天

納受悅預增勢力

威德神通遍諸色

成種種色諸財寶

施與一切衆生類

故我供養神獸天

復次牛王珠天白佛言世尊若有諸善男子善女人受持此經者彼獲幾所福德聚如是說已佛告牛王珠受持此經典者從初發心乃至成佛身所有福德聚是善男子善女人福德聚與彼正等當如是知彼善男子善女人從如來口生佛心之子若是善男子善女人所方所即爲有佛施作佛事是故若樂摧破魔軍利樂一切是故汝等欲得一切如來真實智慧者應當一心讀誦此經能速成就一切福德又於題名有五種靈驗何等爲五第一受持人能摧破魔軍衆第二讀誦人今世後世得福德無量第三書寫供養人今世後世得消滅無量億劫之所犯罪至阿鼻拔致位第四消除一切病苦壽命延長第五得此寶珠一闕之分致供養祭讀誦恭敬者生生世世轉諸寶苦報能令得祕藏無盡果爾時佛說此神呪經已

一切衆會皆大歡喜信受奉行

佛說大如意寶珠牛王守護神呪經

元應二年十一月二十八日以快立得業本寫之
竟
金剛資賴心

此書尾城南真福密寺藏祕本東南院任瑜法親
王相傳之古本也